



台文通訊

1995年3月

38 期

Editor: Te Liông-Kng

Publisher: Chhong-Bi Memorial Fund



我ê图序啊!原諒我一直無出聲, 因為我ê嘴已經而是我ê。

(但是受驚你對而 bat 見面ê 老爸無噪解, 我 beh 愉倫仔課 hō 你知--

伊一切撒是為著你

Beh替你追求一個卡好會將來

Tī hia >

腐敗kap不良干草tī台灣人意記地内底 有存在)

二二八哀歌三部曲(第三部) by Henry Tân-Tē¹, 1994

這首詩,這首台灣人二二八章 哀歌,tī李登輝代表中華民國接 見爲二二八伸冤章受難家屬,替過 去外來殖民政權章暴行teh拭khachhngê時,恬恬出現tī台灣留學生 章 電 腦 網 路 「 Taiwan Future Discussion Group,台灣前途討論群 」。及大部份章台灣留學生全款, 這首詩章作者來美國讀册了後才知 影有二二八這項代誌,離開故鄉 來到美國才知影家己台灣人章身世 ,開始研究台灣文化、勤學強beh 失落章台語....

這首由咱台灣少年一代寫ē詩

,「…原諒我一直無出聲,因爲 我ê嘴已經而是我ê」講出台灣民 族ê痛疼,二二八對台灣人ê傷害 而是干單兩萬條台灣人精英ê 件 命,閣卡大é傷害是伊封殺二千 萬台灣人ê嘴,屠殺台灣人ê心雪 ,ho台灣人而敢、也無法度教家 己ê子弟是台灣人。中國外來政 權掌握台灣所有ê傳播媒體及教 育機關,主宰台灣歷史ê解說權 ,屠殺者到今猶用台灣人ê血汗 teh享受榮華富貴。眞chē台灣囝 仔自按呢煞認爲做台灣人是見笑 代,甘願去做中國人&奴才,世 間敢有比認賊做父閣卡濂慘ê代 誌?

一百冬前中國拍輸日本,將 台灣割hio日本。日本人來接收台 灣,台灣各地民衆組織志願單拚 命抵抗。五十冬前日本戰敗,閣 將台灣交hio中國,中國戰敗軍蔣 介石集團來接收台灣。不幸有一 寡讚漢册中著中國毒素,祖國 證認同錯誤ê台灣人排隊ti基隆港 口迎接「祖國ê王師」。這陣「 王師」手giàh兩傘、腳穿草鞋、 腳脊phia* 指鼎鍋仔,佔領學校做 營地、強姦婦女、買物件而付錢,禁請台語,彼時眞濟台灣人第一句學會曉ê中國話是按中國兵仔學來會「我開槍打死你」,台灣米、台灣糖一包一包送去中國人灣大區,「四千箍換一角」。無外久台灣人覺醒假進前所寄望ê祖國其實是土匪。兩冬後,二二八抗暴事件爆發,結局二萬外名台灣人精英受「王師」屠殺。

台灣人敢有按這段悲慘ê歷史 學著教訓?

今年,馬關條約經過一百年,一陣有覺醒ê台灣人期待伊是台灣國ê建國年。今年,一九九五年國八月,也有一陣食台灣米、lim台灣水大漢,卻自認是中國人ê台灣人,反轉teh期待今年是個祖國管王師進攻台灣6解放年。假使中國眞正出兵拍台灣,台灣兵仔是會及個決死戰,抑是馬上giàh白旗仔投降?

五十冬前漢化眞深ê台灣人,因爲資訊不足,kā隔壁ê「土匪」認做祖公,減採咱繪會當理解。但是到今仔日,汰會猶有chiah chē台灣人認同個是中國人?咱有必要嚴肅來思考這個問題,因爲這種錯誤ê文化認同已經破壞台灣社會ê族群和諧,引起錯誤ê國家認同,造成台灣心理國防嚴重ê危機。是按怎生紅台灣、成長紅台灣

做一個言行一致ê臺灣人

●台灣國台灣語文運動組織 李孟峰



被殖民ê族群,爲著顧性命, 假認爲無必要去實踐所謂ê言行一 致。講hoān講,做hoān做。親像 1994年台灣文學會議teh討論ê主題 之一, 镰份地區ê 文學者有左翼思 想,但是個個人生活卻是資本主 義者。這是文學界看會著ê言行無 一致ê典型例而已。其實,tî hia討 論台灣文學ê台語族人士,也是一 陳言行無法一致ê人:爲啥物討論 台灣文學就要用台灣語(Mandarin) 討論?爲啥物在場只要有一個台 滿語族或是客語族,大家就無法 度用「台灣國e國語」討論?爲啥 物無beh反過來想,只要任何會場 有一個台語族人士,所有ê人就搬 要用台語討論?『khiāti台灣』這 塊土地上用外國語、殖民語teh討 論「台灣文學」本身就是一種笑 談代[tāi]。奴才性重、自賤自棄ê 人是beh按怎ho台灣人有尊嚴、有 人格?假使『台灣文學』及台灣 人ê尊嚴、人格完全無關係,那麼



he敢有法度號做『台灣文學』

對家己母語é堅持,就是對家己性命人格é堅持。失去性命人格é堅持。失去性命人格é人才無需要堅持家己é母語。這種堅持本身及歷史、政治是無關係é。假使無發生「二・二八」、白色恐怖年代,甚至若無國民黨仔é殖民史,換做另外一個有人性é政權hoān頭,咱職是全款會產生對母語é堅持及台語文字化é自覺意識。

假使半世紀以來台灣人換hô一個有人性ê政權執政,台灣人ê 自覺意識會愈早成就,台語文字 化也會提早實現,而且只要執政 者伊有壓迫著台語文ê行爲,台 語文字化ê衡力就會產生,壓迫 愈大,衡力愈強。

半世紀以來,就是因爲「二 ・二八』、白色恐怖、才hoo台灣 人整體ê心靈喪失,完全無面對 自我ê勇氣,也才會hō台語文字 化è時機足足慢了四十年,hō有 主體性ê台灣文學一直無法產生 ,也ho台灣人強beh滅種。支那 (China)政權劫收台灣了後,強力 控制教育、媒體、政治....,結合 台奸抓耙仔消滅台語族群,hō台 灣人變做無法了解家己母語文ê **「睛瞑仔」**,無法堅持家己母語 文ê「無心靈ê人」。這是hō台灣 人無法產生自覺意識、台灣意識 ,延chhiân台語文字化另外一半é 原因。

以早,只要看著支那人規嘴

ê台滿話,lī我ê腦海中,就會馬上 出現一隻豬子掛一個豬牌子ê畫面 。今仔日,只要看著、聽著開嘴 合嘴台滿話ê人(包括台語族群), tī我ê心内,就會生出一隻豬子出 一個豬牌子ê形影,大大 隻豬,囝子就畫出細隻豬。一種 題子就做殖民者殖民統治、kā別 個語族滅種ê工具,那麼這種罪惡人 應該就是一種罪惡人應該不 滿ê語文也就絕對是衆人應該命 道德、勇氣來倫「伊」拚命、鬥 爭ê語文。

平埔語族ê消失及台語族群hō 人滅種,情形及意義是180度ê無全 。對情形來講,前者是自然ê定律 ,後者是少數殖民語族ê屠殺。對 意養來講,前者是出tī文化共同化 ê自然原則、人類婚姻ê同化,後 者是文化強制ê壓迫,有政治目的 ê統戰。

Khiāti台灣這塊島嶼,任何一 個人若用絕對少數ê殖民語言來及 我講話,那麼ti我ê心内,伊就是 代表殖民體制,成做殖民政權ê一 份子。簡單講,伊就會變做殖民 者,也是我輕視、beh反抗ê對象。 Ti台灣生活ê任何住民或是外國ê宣 教徒, 撤無資格用「伊家己不是 台語族群ê事實」做藉口,來kā殖 民語文合理化、正當化、合法化 ,或是當做拒絕講、學台語文ê原 因。對外國人宣教徒,我會問講 :「爲啥物你有法度認同、學習 · 使用違法(illegal)ê殖民語文 (Colonial language)?爲何無法度認 同、學習、使用正當合法ê台語文 7 1

社會現象及國家ê政治全款, 只有正義者ê不斷堅持、抗爭,才 會改變,社會正義才有法度慢慢 實現。文化層次khah低ē絕對少數 族群想behkā文化層次khah高絕對 多數族群滅種ē例,除了台灣,全 世界無第二個。

台灣國台語文運動組織ê標幟 眞清楚表達,一人一支筆:一人 一家代,公嬤隨人chhāi。做爲台 語族群ê一份子,我此後續背叛我 ê筆,無論這條路是偌艱難、偌鬱 悴、偌心酸,也無論這支筆是偌 孤單、偌寂寞,我beh陪伴伊行到 性命ê終點。

阮用「台語文」代替「台灣語文」之因,一者阮ê力量、資源有限,無愛蓋餅充飢、放屁安狗心。二者「台灣語文」有包括的 滿文,也就是殖民語文」有包括好是阮beh反對ê代誌,阮當然繪使得反背家己ê精神、意念。三者「唇亡齒寒」,只有台語文出,原 天ê機會,所以hô台語文出頭天本身就包含hô 客語文、原住民語文出頭天ê意義、內涵及實踐。Beh按怎實現,軟硬體ê功課攏要各語族家己去拍拚,阮而是執政者,無法度門[tàu]相共,世間也無免耕耘就有法度收成ê代誌。不過阮誠心歡迎有共識ê客家、原住民朋友來及阮做夥拍拚。我想,阮ê運動經驗及研究成果加減對恁有幫實。

春風歌聲



●多 城____

今年七月初二,台灣寶島新聲廣播電台 ē 「春風 歌聲」節目 soá來加拿大Ontario湖邊 ē 皇后大學 做現場 è 放送。這是加拿大台灣同 鄉會1994年年會 ē 所在。主持人陳明仁 kap陳豐惠,用講故事、講笑 話kap唱台語詩歌 ē 方式,來介紹「 台語文 ē 發展」,雖然節目進行了 真趣味閱輕鬆,而 kú, 個所討論 ē 題目是一個眞迫切閱眞嚴肅 ê 議題

阿仁kap阿惠這對真感心ê 翁 仔某,是目前台灣唯一專職teh推 動台語文ê人。阿仁是彰化二林出 身ê庄腳囝仔,阿惠是高雄市人。 阿仁講個老父生伊ê 時陣,眞無情 願,kā伊生kahmi-mi-máu-máu, 痩 閣薄板。而 kú,阿仁有一個眞高ê 理想,亦有眞大ê才能。阿仁kap 阿惠過去是行街路,從事反對運動 ê 同志,海外黑名單人士轉去台灣 ê 時,個亦出眞chē 力來tau保護,阿惠bat poaⁿ過一齣戲叫做「豐惠救益世,美女救英雄」。

最近這幾冬,個深深感覺台 灣政治ê改進,著愛按心理建設 做起,因爲台灣ê語文文化是真 重要ê一部分,所以個就全心投 入台語文學kap歌謠ê 創作kap 推 廣意工作。阿仁貞有天份,會曉 編劇閱寫詩,對台灣ê語文有相 當ê研究,伊寫ê台語詩,hō阿惠 來主唱,兩個緣仔某配合了真好 勢。阿惠目前是「台文通訊」ti 台灣ê練聯絡人兼台語班ê主任。 個亦有ti台灣ê 大學kap中學擔任 學牛台語社團ê指導。「春風歌 聲」這個節目是個推動台語文工 作ê一部分,專門teh介紹台語文 學作品, 閣探討台語文化ê 觀念

阿仁講一個笑話,有人講美國田仔館曉講美國話,聽著ê人 撤無beh相信,閣講日本囝仔館曉 講日本話,亦無人beh相信,而此 ,有人講台灣囝仔館曉講台灣話 ê時,tō無人感覺有啥物奇怪。 到底是按怎致到台灣囝仔館曉講 台灣話呢?啥物人著愛負這個責任?有ê人講是國民黨,亦有人講是因民黨,亦有人講是因民黨,亦有人講

台灣人艙曉講家己ê父母話, 事實上是一個眞嚴重ê代誌。台灣 人,真久以來因爲受著外來政權ê 統治,kap因ê語言政策ê影響,眞 chē人感覺台灣話是一個二等語言 , 會曉講台灣話是無啥物路用; 亦有人講,語言kan-tan是一個交 通ê工具,咱若讚會通就好,用啥 物話攏無要緊。對遺款ê講法,作 家陳雷認爲是一半tióh,一半而 tióh。伊護:「語言不但是表達意 見ê工具,而且是個人思考、思想 ê一部分,也是團體文化ê一部分 。講台灣話就是做台灣人ê一方面 , 若有人禁止你講台還話, 就是 禁止你做台灣人。」

阿仁講,台灣話應該包括河洛話、客話kap原住民ê語言。伊對語言kan-taⁿ有三個原則,第一,所有ê語言擴是平等ê,無高低ê分別,第二,語言是學愈chē愈好,第三,家己ê母語一定著愛會樂。阿仁認爲ti台灣ê每一個語類,涵著愛」各話。伊學一個例

,有一擺,鍾肇政kap許曹德teh對 話,本身是客人ê鍾肇政用河洛話 講,是河洛人ê許曹德用客話應, 兩個人交通了真好勢,這是互相 尊重上好ê一個例。

今仔日ti海内外,已經有真 chē人開始teh推展咱家己ê文字, 這是建立咱家己文化上界重要ê第 一步。一個無文字ê民族,就無法 度有家己ê文學kap文化。阿仁講 疾有家己ê文學kap文化。阿仁講 人款ê文體,每一種拚音攬有伊ê 特色,但是不管用啥物文體,需要 會通就好。將來台灣文字有需用 方式,就是台語化ê漢字kap 羅馬 字母拚音做伙用ê方法。台灣人過 去攜而 bat當家做主,無機會有教育權經過教育ê 管道來教育咱ê 子弟咱家己ê 語言文字,咱若ti教育體制下來教育咱ê 囝仔家己ê 文字,相信會眞緊學才對。

咱用家己。母語來寫前章, 實在是有這個必要性。這擺溪柳 兄teh編加台會年會「台灣之夜」 意話劇「望鄉」。時,就遇著一個 大問題。這個話劇是teh描寫台灣 同鄉這加拿大生活。親身體驗 kap 心境,非常符合這擺年會。主題 。而kú,伊用中文寫。對話hō演。 人用台灣話講話出來。伊編劇。 時,是用台灣話ti頭殼內底teh思 考,但是寫。時,翻譯做中文寫 出來,無形中,就失去某種程度 ê台灣氣味、正確性、活潑性kap親切性。

Tī加拿大ê台灣同鄉,大家攜非常優秀,學歷高,事業攜有成就,而 kú,大部分ê人猶閣是台語文 ê文章。這攔加拿大台灣同鄉會 ê 年會,特別安排「台語文ê發展」這個節目,對加拿大ê台灣同鄉與來講是認識台語文字ê第一步。阿仁 e 鄉土氣味眞重ê 台語詩 kap阿惠與 súiê 歌聲,hē人留著眞深ê 印惠東 國國 華風歌聲」開始证加拿大這個楓葉ê故鄉海落「台語文」ê種子,相信免外久,台語文就會 tī chia 發芽puh-in 關開花。

原教加拿大Toronto合灣局與會訊 "Together"

我看「飲食男女」

● 黄宗岳

「飲食男女」是最近台灣李 安導演所製作ê一片電影,tī國際 上風評繪 bái。内底ê故事是關係一 個圓山大飯店ê大廚kap伊ê三個查 某团。伊ê太太早就(tòh) 渦身, 三個香菜团,有ê teh上班,有ê猶 (iáu) tī大學teh上課。若(nā) 是到拜日ê時陣,做老爸ê人就 chhôan 一東chhe' - chhau來全家團圓 。M関 , hia ê杳某円,過著無[bô] 閒都市生活,有各人ê心事,各人 ê功課 (khang-khòe), kap各人ê 「男女關係」。團圓飯食著愈來 愈勉強,愈無趣味。漸漸,查某 囝一個一個離開,去kap個è男朋友 抑(iah)是先生做夥生活;飯局 ,也就是家庭,煞來散去。上趣



味ê是,ti個上尾一擬全家teh食桌ê時,做老爸ê人煞雄雄宣佈:伊beh kap自細漢看大漢,參查某田全輩,一個離婚ê查某人結婚。害hiah-ê查某团掠準伊是teh起siáu。這個大廚有講一個比例,大約是按呢:人kap人之間ê聚散離合,繪用-eh親像teh辦桌,將雖、鴨、魚、肉,各種無全款ê材料,勉強擺店全一桌。雖然是質用心teh調味料理,食ê人卻是食kah艱苦chē-kòa,無滋無味。

「食桌」這項社會行爲是 漢文化中眞重要ê一部份。逐個 想看māi:有偌(jōa)濟代誌是 ti飯桌面頂來發生、解決。結婚 辦桌,喪事mā辦桌; beh kap 人 交陪相好ê時辦桌,beh害人、 thâi[殺]人ê時mā先食一頓chhe*chhau才(chiah)講。古早就有「 鴻門宴」ê故事,敢[kám]而是!

若講人際關係ê維持kap運用 ,是漢人社會運行ê驅動力,食 卓就是這種關係最特別ê一個象徵 kap儀式。中國講人際關係好ê人是 到叨位推 「吃得開」,表示有足 濟人,足濟所在beh請伊食桌,有 真潛活動 beh 歡迎伊參與。確實, 注重人際關係會tàng促進整個社會 ê和諧。不幸ê是,ti漢文化中,過 頭注重人際關係,煞養成一種眞 bái ê智性。凡事giú關係、行後壁 門、講特權。只要我若辦一桌ah請 你,培養一下ah感情kap關係,kā 你拜託一下,本來非法ê代誌會使 變合法,順續後擺選舉ê時mā會使 做我ê柱-á-腳。當然,到hit時陣, 我會閣請你來食一攤 (thoa'), 行路工mā會照算。

對另外一個角度來看,人際 關係是有約束件ê。過度重視,往 往kan-na維持一種置表面ê連攜: 同時也繁顯倒破壞了人kap人中間 hit款自然純真ê感情。咱kā想看 māi: 有偌潛擺, 雖然無偌情願, mā是愛夫kap人食卓:上無,複數 (紅包) mā愛到。若無, 歹勢啦 I 會hō人講話。本片中hit位大廚 就是抵(tú)著遺款ê情境。伊爲 著顧慮父女之間ê關係,原來一直 teh掩蓋[khàm]家己ê機情,來維持 家庭表面ē安定;每槽拜mā權機出 一工,逐個做夥食飯。一日,伊 提出勇氣,來公開追求伊個人ê幸 福,確實引起了家庭kap人際關係 ê大混亂。 所閣,家庭拆(thiah) 散,會閱組成另外新ê家庭:合理

ê人際關係,本來就會tàng經過互動不時teh調整。上kái重要ê是: 人,著愛保持伊ê純眞,對待別人才會友善、坦白,人生mā才會閣卡súi、閣卡美滿。就親像hit位大厨按呢,在失去味覺幾(kūi)loh年以後,嘴舌魚開始閣tam有滋味,也就是生命ê滋味。 文後醫:其實,國家kap國、中間ê關係mā全款。親像中國、如東國、越南、台灣及新加坡,雖然撒是受漢文化影響ê亞洲國家,大家應該互相交好、互相國,雖然撒是受漢文化影響ê亞相等,

會, 驅倒hō人看出來伊ê封建kap

惡霸;家己ê政治kap文化mā煞一

直停留店落伍黑暗ê時代。

屎 礐 仔 Sái-hak-á



有一個迷猜講:一間厝仔破 破,有人入無人toà。猜一間人生 極要緊ê所在。答:「屎譽」、「 **廁所」、「便所」。聽著腳手肉** phi-phi-chun, 閱會記辦 母皮, 想愛 塞鼻越轉身,無愛聽,眞策惡, 其實人有生就有死,有食就會放 。「屎譽」雖然有大小,有好bái , 是人生中每家不可缺ê所在。 常聽細漢囝仔對「屎譽」内大聲 叫講:阿母啊!放了囉啦!Ti無 開中伊也著趕緊去,kā拭腳chhng 。細漢囝仔tī「屎署」内大聲唱放 屎歌, Pampa (屎chū-á)公司出錢 作曲作歌伴奏, Mommy wow | I am abigkidnow I

阮無愛閣 háu!!

● 顔信星 -

阮無愛閣háu!

雖然「二二八」互阿爸ê血水四 界流。

阮無愛閣háu!

雖然「二二八」互阿母ê目屎少年kô到老。

四十幾年來,

無有緣婿ê日子;鳥雲逐日掛天 邊。

四十幾年來,

無有阿爸ê暗瞑;夜鳥逐暗爲阮 啼。

呣是阮艙曉用嘴齒賠嘴齒, 只阮知影冤冤相報無了時。 呣是阮無愛將它放繪記, 是因爲到今阮猶未看著四正章 公義。

還阮眞實ê歷史!

互阮撥開久久罩tī心頭ê暗霧

還阮人性ē尊嚴!

互阮心甘情願擲落手中ê刀劍

阮無爱閣háu!

若會當;阮欲將阿母ê目屎用 雨來攪,倒入故鄉ê溪溝。

阮無愛閣háu!阮無愛閣háu! 直到這塊土地開遍民主、自由 、和平ê花草,

直到阮ê囝孫呣免閣流浪, tī chia 起造永遠ê兜。 ê記號,查某是圓形。

早時台灣ê庄腳,囝仔查埔查 某撒穿開腳褲仔,開腳褲填方便 ,前面後面開孔隨時會通用。查 埔ê屎緊,khiā ti 門口庭放屎am一 區田,查某ê屎緊,一蹲就辦公, 関有狗來食屎舐[chiⁿ]腳ching,密 [bát]底褲是會叫會家己抗制ê時才 穿,褲攤bēbak la-sâm,一層仔攤而 免職煩Pampa,diaper,洗屎chū-á。

人ê 屎尿ü古早農村社會是極其寶貴,兵營ê 屎著愛招標決定最高ê 買主,菜蔬五穀完全靠人ê 屎尿,豬屎尿,土糞,綠肥來滋養,可惜用這種肥沃ê 菜蔬寄生蟲有害大腸菌真chē,已經開發ê 國家改用化學 肥料抑是污水處理,來解決環保,衛生kap生態問題。

孔明曹操時代有眞chē出名軍 醫,無論對敵抑是軍官繼有特效 藥可治傷痕,個將配和漢藥草裝 入竹筒內,用粘土將開口塞密密 就tan入「屎譽」保溫發酵,自然 產生抗菌霉素,可以治好傷痕, 天然抗生素製造呣免license。

「屎譽」除了產生臭氣以外,有ammonia,skatole,indole等,也閣產生methane瓦斯,農民可用簡單ti水內收集瓦斯,簡單閣再接管引入燒瓦斯爐,這是最經濟最便宜意熱能,ti第三國家已經眞流行,最近加國kap中國政府簽約,beh用這種方法ti大陸建methane瓦斯工場。

人講:beh檢驗客館、餐館、 火車、汽車有清潔抑無清潔,去 看個ê便所就會知影。印度人變tî Gandis河洗聖浴,也變將一切ê acha物件、屎、病人、人禽獸死體 等放入河裡,想講河水會醫治萬 病,也得發財、健康,得平安。 美國加國攏性出力想beh大清掃 五大湖kap St. Lawrence河。

爲著beh改進「屎譽」衞生 ,有人用化學藥品、細菌、酵素 等生物處理,大部分是用水沖, 集污染做伙送去污水處理工場處 理,經過消毒後才摻入溝河裡, 有人採取會食細菌ê細菌抑是過 濾性毒素,來減輕環保,衞生 kap生態ê壓力。

中國有一個俗語講:「知己知彼,百戰百勝」。空中地圖判斷而是看兵舍。大小,著看「屎譽」。大小,「屎譽」。大小決定軍隊。多寡。Ti四個月基本教練,十五分鐘beh穿衫、整床、折軍後作四角四角,洗面刷口,閣辦大小公,武裝下樓排隊點名,一小隊差不多一百二十人,「屎譽」是不可缺。。

俗語講:好額[giàh]人驚火燒 呣驚跋落「屎暑」,散[sàn]鄉人 驚跋落「屎暑」無驚火燒。鴉片 戰爭也有義勇軍擔屎尿去沃tok鼻 仔,宣教師甘牧師也kā 匪徒沃屎 尿,個想屎尿無清潔,可以防治 百樣鬼神kap 對敵,甘牧師笑笑講:眞可惜hiahê 肥若沃ti田裡稻仔會豐收。

「屎譽」聽著眞感惡,ti紳士淑女面前艙使得大譽講,而kú 伊ê重要性kap伊ê經濟價值,hō 人艙當否認伊ê角色,想著這個 好魔kap優點,後屆你若去「屎 譽」一定會贊同,甚至ti hia看書 報。

(作者是加拿大衛生部防抗病中 心呼吸系統病害菌科主任)



1994年五月初,因爲公事,有機會轉去台灣一choā,趁這個機會 kah北部幾個聯誼會負責人寫批, 並表示轉去ê時希望見面。講起來 ,紙頂高ê名是無寫批感覺親切, 寫批閱無會當用電話講趣味,但 是上好是會當面對面,開講兼臭 屁,一兼二顧,関通參詳公事閣 通交朋友。

「宜願享啓明先生等」

轉去前kā 李先生寫過兩封批。 轉去了後逐工做 kah 島暗暝,到拜 六才有時間去 chhoē 台北阿姊。一 見面阿姊講笑:「你 而 知欠人偌 chē 錢,人敵電話追到台北來討」 ,一看才知是啓明兄已經敵幾居, 據和父母章過了後,就緊 beh kap李 先生連絡。上歡喜是李sàng講「來 到冬山車頭,講台語就也通」, 上趣味是彼暝去 chhoē 李ê,坐到 車平快車一站用十雜台票就會到 ,落車後,免問路,一直問入去 人車頭就 chhoē有人。拜六暝 kap 格

明兄講kah眞歡喜,彼時才知 宜蘭有眞chē小車頭ê票是人 特別欲收集ê,比如講頂埔、永 春(歹勢)一寡地名撒第一擺聽) · Soa 了後, 李sang 用otobai 決 我轉曆,以後閣kah阮序大人牽一 寫官蘭推行台語運動ê機想,阮老 父也值o-ló李先生ê熱心。 續拜下 埔,李先生閣kap一位ti電力公司 服務ê 學枝財先牛來接我。阮做伙 去看李ê彼間填sù si è樓仔厝。伊收 集è花,冬山名產奇形怪石,也看 伊he三間各有千秋ê和室,看來真 有世外桃源之感。上欽佩這位恬 恬出錢出力teh犁故鄉文化ê田ê「 鄉友」前輩,也愛讀伊ê有古文也 有現代味ê一寨鄉土詩。在遊過冬 山新名勝冬山河kap細漢上捷去è 風景區武荖坑後,閣會見ti電信局 ê尤同波先生,阮大概閣交談一點 36 , 才數數喜喜約以後再見。關 陽故鄉,多年不見,變化也真chē 。羅東永過會記得只有一兩間册 店, 這馬看來四界是, 上少有七 、八間。向望庄腳ê宜蘭,會是台 灣ê-塊清氣地,會通漸漸扮演文 化、政治ê推動角色。

「株園陳湘島女士等」

猶搶轉去前,就奉著良光兄指 示,桃園雕館會辦了眞成功,請 寫批鼓勵。趕緊寫批了後,ti羅 東kah龍潭戲電話ho陳女士時, 伊好意ê邀請, hō我ti欲轉來美國 前一應,蒸[làu]計程仔去桃園拜 會。Kā計程車司機講欲去茶藝館 chhoè朋友-時,伊-眼神soah怪怪 。 走到桃園街仔才知,滿街仔茶 」,兼賣酒、賣咖啡,kah賣阿 里不達ê 攤有。一入去「一茶一 座」就感覺攏無仝款。色緻、佈 置擁有置幽雅·金氣氣,熱天入去 會感覺「心涼脾肚開」,寒天閣 會有若坐春風ê氣氛,真是現代 kah古典盧適配ê綜合。到尾仔才 知影,店頭関有貼幾張攤用台文 寫ê海板,通譜與衆不同。看見 陳湘慧kah個翁簡銘羅,就會有 見看文化人ê感覺。個講話、穿 衫、行動,攏眞表現古雅kah現 代ê氣質,但閣有對台灣文化ê追 求kap熱愛ti内面。Ti會見到由中

「春暖花開」

轉去ê時,台灣是暮春ê時陣, 逐位俱燒熱,有寡所在看會著青 草,有寡所在猶是畚圾場。但是 看著、聽著咱ê祖公仔話,咱ê母 語漸澈來愈chē人講,愈chē人聽 ,ho我感覺這會是春暖花開ê時陣 。這個春天就证咱一代,下一代, 上一代,大家相共努力中會漸漸 開滿萬紫千紅ê花蒸啦!

[語文動態]



合北縣文化中心發行「本土器官 通訊」

爲著推動本土語言教育,台北縣 文化中心按這學期開始beh發行「 本土語言通訊」,讀者ê對象是教 育界人士。

•「鄉詩鄉圖」出版

「鄉詩鄉圖」是一本台灣鄉土詩集,用詩 kap圖介紹台灣ê 童謠kap歷史地理。伊 ê 特色是漢羅對

照,閣有英文說明。本詩集由ê安可出版社出版,十六開彩色印刷,海外學者戴正德著作。訂價 NT280,海外 \$18。海外訂購處 Michael Tai 530 David Knight Way, Saskatoon, SK Canada S7K 5M4

● Berkerly か州大學 含 縣升級 Berkerly 大學 ễ 台語課愈辦愈成功 ,按這學期開始改造有學分 ễ 語言 課。

●長春合縣文研究會□送台縣重縣 這一年來有一陣台灣長輩借用大 紐約區法拉茲台灣人會館,定期 聚會研習台灣語文,最近個開始 beh口述記錄台灣童謠故事。

- 8北縣努力進行 8 羟解資訓鍊班台北縣 母語教育已經辦過幾偌期,這學期有開兩班「進階班」,學員對象是已經修過師資基礎班管園小、國中老師。目前也有 teh計劃開師資「種子班」。
- 北美含文通駅申請Non-profit 郵資通過

台文通訊已經得著郵局使用非營 利郵資ê許可,請大家提供有趣味 beh讀台文ê人ê名單,希望tī 1995 年台文通訊 6個人寄送名單會當增加25%。台文通訊是目前台灣國內外發行量上大 8台文月刊。

國民黨没收台語聖經,期待新版 台語聖經趕緊出版

提起賠償 ê 問題 o Chit-chióng tùi bô-kong-gī ê jim-nāi kám-sī tō-tek? Che kám-sī Ki-tok-kàu sià-bián ê cheng-sîn ê piáu-hiān?

項長妹紀念基金會適汗8文酬 聯計劃用「支援台灣草根文化運動,保

質,需要卡chē 無全語言背景ê人來提供台語修辭方面ê意見。若有趣味beh參與ê人,請及本通訊聯絡。若是有夠額ê人力及財力,會繼續翻譯孟德拉及達賴喇嘛ê作品

• 8 文過駅改用電腦排版數定投稿 按 37 期開始,台文通訊改用電腦 排版。若是經濟來源有夠,有想 beh改做半月刊,抑是無定期出刊 。歡迎讀者投稿,打字稿優先採 用。

●HOAN-GENG CHHAM-KA TAIGU-BANG E-MAIL

Tilntemet teng-thau ul-e iong Taigu 羅馬字 tho-lun Taigu-bun bun-te e tian-chu bang-lou, u chhu-bi beh chham-ka e lang, chhiaN sang E-mail kau:taigu@hp.iis.sinica.edu.tw

Tâi-Bûn Thong-Sin 22115 S. Vermont Ave. Torrance, CA 90502, U.S.A. FAX: 310-618-1580 E-mail: LATaibun@aol.com

台文通訊 台北郵政7-575信箱 劃撥帳號:16530211 陳豐惠 TEL:02-357-6388 FAX:02-357-6401 NON PROFIT ORG. U.S. POSTAGE PAID TORRANCE, CA PERMIT # 453

· Please send contributions to:

Chhong-Bi Memorial Fund C/O: Westchester Taiwanese Church, 1, The High Road, Bronxville, NY 10708

台灣人無認同台灣文化?上大ê問題出tī「嘴巴經而是咱ê」,台灣 心已經受屠殺。

親像頂頭彼首「哀歌三部曲」所格示ê,二二八事件而-nā屠殺兩萬外人ê性命,閣卡恐怖ê是伊全時也屠殺兩千萬台灣人ê心靈。二二八事件及軍事戒嚴所帶來ê白色恐怖,扭曲台灣ê歷史,消滅台灣主死ê關頭,咱敢會堪得閣繼續將生死ê關頭,咱敢會堪得閣繼續將北記記念碑、「平安禮拜」、道歉、賠償道款無意志beh推翻中國殖民統治ê曆次?

紀念二二八最高ê層次在ti發揚二二八先烈志士反抗中國外來殖民統治ê精神,完全否認中華民國外來政權在台灣ê合法性,用台灣本土文化做主體來建造新ê台灣園。只要台灣ê學校猶無teh教用台灣做主體ê歷史、語文,只要台灣ê媒体猶用中國話、中文teh扭曲台語文化,只要中華民國繼續在台灣teh統治,二二八份死ê冤魂繪當得著安歇,台灣人死去ê心靈繪當得著重頭生。

Beh紀念二二八,回復台灣心 ,咱著愛kā台灣人ê嘴討轉來,台 灣人愛有家己ê電視台,用家己ê 觀點、家己ê話來教育咱ê細囝。

Beh紀念二二八,救贖台灣魂 , 咱愛拍開咱心内ê門窗,將咱心 肝內彼個白色恐怖ê陰影化除。

Bch紀念二二八,挽回台灣文化,咱愛用台灣。話來清除五十年來「國語教育」灌ti咱頭殼內é中國毒素,做一個清氣、四正é台灣人。

「新合灣人三步曲」序



真歡喜聽著台南縣政府beh 出版李勤岸ê『新台灣人三步曲』。我深信道本台語詩集ē出版 是台南縣對台灣文化ē教護及建 設工作中眞重要ē一部分。

「你動hoā」是台灣人對伊 ê交代ē話語「台灣人ê代誌愛台 灣人來hoā」,呣通 互別人kā咱 hoā」,kā咱左右」。伊ē名及伊ê 人不時曠tehkā咱互相勉勵:「愛 家己勤勤仔hoā」」。

李勤岸是台灣人作家ê中間 填有台灣鄉土意識、閣爲著台灣 話ê推動,有投入、有實踐、有 品質、有潛能、有成果ê傑出人 才。

伊ê詩作及伊對社會運動、 以及台灣主體化運動所做ê貢獻 ,已經有大家ê 肯定,無需要我閣 講起。我想beh對伊亞台灣語文及 台語文化方面ê 決意及行動來講幾 句,及這本詩集ê 讀者相及分享。

伊ti 1993年ê第一學期修一門 漢語歷史語音學ê課,有五個研究 生選修,上課我ê講課,學生ê討 論及口頭報告攬用台灣話;會 報告也有兩個學生用台文寫書寫作, 動岸是其中之一,內容是書寫作, 對岸是其中之一,內容是書寫 馬字,啥物情形寫漢字,閣則是 beh寫漢字,著愛根據啥物原。是世 界台語研究史上台灣人ti國外用台 語寫研究報告ê頭一攤。

Ti全年ê第二學期伊有修一門 台語及華語語法ê比較。上課ê語 文及頂學期全款,隨時實地teh觀 察台語結構、實驗語法規律、分 析台語語料。動岸ê語感道響極, 台語ê系統性智識而來而有把握、 有心得,以後伊應該會對台語ê 語 法及修辭來發展。台灣話到目前 爲止有兩本台語語法ê冊,可惜權 是用日文寫ê。台灣人渦去發表渦 有關台語語法ê學術論文數量也相 當可觀,大部分擔是用中文抑是 英文寫ê。語法是修辭討論語詞結 構及文學效果ê基礎,伊ê基本原 則是人類共通ê。世界上優秀ê作 品攤無形中有teh運用修辭美學ê基 本原則。近來台語好ê作品愈來愈 chē, 糖無例外, 糖有將台語結構 上ê美顯現、落實ti實際文學作品 ,可惜到目前爲止猶閣無人出版 過爲著寫作ê明確性及優美性來編 寫,通成做台語修辭ê典節及指導 ê 參考書。勤岸ê 詩作本身不時都 teh運用修辭ê 種種原則,用伊寫作 ê經驗及伊語言學、台語語法ê研 究心得一定會寫出一本眞實用閣 誠好讀ê台語修辭學。咱先來看伊 ê詩内面運用結構優美感ê例:

新娘是波個環 新郎是波個知 時時,環境和 刻刻,和結環

環環がかhã ân-ân (皮帶情)

動岸也有修一門有關「台語語詞用字研究」。研習。伊一方面整理台語詞庫。用字,一方面也練習台語寫作。編輯過程中所需要。用字系統化。這是Directed Research。課。除了用伊。台語詩及伊所編譯。【古今台外名言錄】以外,伊也有練習台語文選。編輯。台灣現時眞欠台文。編輯人材,動岸應該

是受過科班訓練ê頭一個。

台語推動ê另外一項工作是 台灣話文ê電腦化。過去我 bat ti 清華大學開始ti【台語讀寫】ê課 程内正式紹介台語電腦輸入系統 ,用電腦直接寫台語,無関用筆 起稿。現在動岸練習編輯,寫研 究報告,台語創作攏是用夏威夷 大學所發展ê 彷耷TW301台語輸 入系統。伊是將來台語電腦化推 動軍ê健將。伊ê電腦寫作所帶石 伊ê歡喜及感受,真自然也成做 伊詩作ê願材。伊证詩集後記「台 潤,我ê詩神」有下面一段話: 達本特為是電腦窓â,是会無數 機需ê。若春電腦,若春含語軟 體,我與可以寫kah波完整,現 震現印出來,現盤表現 東。 直接 tī 電腦寫作,好寫、好改、好看 ,對刺激頭腦ê想像有風大ê暫 赞,值得合文案作ê作家来数看 免例。(後記之二)

這呣是廣告,但是讀著伊ê 詩卡嬴teh聽規百個電腦軟體推銷 員。

頂面幾項感想是遺本詩集。 寫作期間,我所看著。李勤岸遠 個人。若是遊。詩互我想著。李勤岸遠 個人。若是遊。詩互我想著。李勤岸。世界,彼就遠遠超過我這幾 年所會當看著。:有咱。莊腳不時 teh ê 心思 ê 故鄉、有咱無閑 chhihchhah ê 都市生活、咱互外來政權 統治。悲情社會、也有咱中間無 知覺、不知恥。台灣人、閣有咱 所尊敬需要互後代數念。後養牲者 。遊。攏無離開一個中心思想 一做新。台灣人。

我beh 穿 8 灣的模素

剪烊中華民國的早尾仔 我beh 智含潛觀撒的頭毛

Ti詩中所描寫ê 眞 chē 景緻是 詩人chhoā我閣去親目看卡詳細ê 過 去。有時無會繪記得到底是伊ê境 遇抑是我ê回憶。

含灣牛牽到天堂 章是含灣牛 爱 tī 牛稠 内相觸 挟合灣觸到美國 觸 kah 然個牛稠 jū-chhiáng-chhiáng 觸 kah 熱來放牛食草 獎陣牛 tī 太平洋的一個小島 jōa-jōa-sō (牧牛者)

有時也煞會艙 記得到底是伊對社會ê 抗議抑是我心底ê 悲憤。也有時煞會艙 記得到底是伊對惡勢力ê 實厲抑是我無聲ê 怨言。

猎原 tí 烏暗中 有雨装错停的目 射出互人繁愎的寒光(改嚴以後)

過去ê台灣人ê前聲有留真chê 有關故鄉ê文學作品,可惜撒愛閣 翻譯做咱ê鄉音。若是「新台灣人 三步曲」是詩人對鄉土ê關愛所發 出ê話語,一句一句忠實ê記載。 是欲互台灣人讀,互台灣人想、 互台灣人吟ē詩作。咱若欲訓練家 己抑是欲培養後代講互會全聲、 寫互會全字、連互會全心、做互 會全步調,我建議大家卡勒讀這 款台語作品。

介紹雷子郵便Kap 台語網路

- ① \ 来文 -

人kap人遠距離ê交通,一般 是用批信郵便, 抑是電話交通, 來交流。但是批 著愛過幾偌工, 才沒會到: 電話 雖然眞緊, 但是 著爱兩個人,全時ti線路頂。電子 郵便 (E-Mail) , kan-ta"需要幾秒 到幾分鐘,就會當kā批送到世界 各地ê國際電腦網路 (Internet), 伊是上有效率ê交通工具。電子郵 便m-nā是緊niā-niā,也koh有下腳 幾個方便ê所在:

1.會使經過網路送電腦ê檔案(Files) kap 批信。

2.會當全時送批信ho幾偌ê人。 3.會當回批,也會當kā批轉ho別人

啥物是電子郵便?就是kā批 信拍入去電腦內底,然後經過國 際網路,這個資訊超級公路,送 去收信人ê電腦,收批ê人會當tī 電腦讀道張批。一般來講,大學 、政府機關kap大公司,攬有直接 接 tī eh 图 際網路頂頭, 你 kanta"需要去chhoē 墨

工,請伊kā你ē電腦連結tī網路頂 , 関 hö你一個私人ê電子郵便住 址, ań-ne 就會使送收電子批。細 間公司,無直接牽 Internet,但是 會當用 Gateway 轉接國際網路, 達著诵訊ê目的。私人ê電腦nābeh 利用國際網路,上經濟ê方法, 就是去 Online Service ê公司開戶 頭,就會當使用Internet ê網路。 所以只要有電腦kap Modem, 一 定有辦法,坐遺台資訊高速公路 ê快車一電子郵便。電子郵便名單 (Electronic Mailing Lists),就是 有仝款興趣,抑是爲著仝款目的 ê 一陣人,利用電子郵便,來討 論kap 交換意見ê一種電子網路。 Ti 圖際網路内底, 已經有三千外 個ê電子郵便名單,包含各種bô 今ê 主題, 遺款電子郵便網ê數目 ,一工比一工增加。

咱台文通訊也有一個郵便名 單,叫做一台語網路(Tâi-Gú Bāng -Lo)。這個網路是提供ho thià"thàng台灣kap台灣文化ê人,用符 合資訊時代ê台語羅馬字,來收發 新聞、討論問題、交換意見、講 笑話、發表詩文ê電子批網路。真 ché人利用伊來訓練讀、寫台語羅 馬字,無形中達著推廣台語羅馬 字ê效果。這個網路chit-má有二、 三十個人,會員分佈ti台灣、米國 kap加拿大。有興趣參加ê人,請 用電子郵便寫批來 taigu@hp.iis.sinica.edu.tw,管理員 就會將你 ê 電子郵便地址 khìng入 去台語網路,按呢你以後送入來台 語網ê批,所有ê會員就同齊攤會 收著,你也會當讀著所有ti台語網 路出現ê批。台語網路頂有足濟眞 讚ê作品,有一份叫做 Tâi-Gù Bāng Thong-Sìn * ē刊物,tit-beh 出刊 ,這份通訊beh採用台語網路内底 ê文章來發行。向望大家來參加這 個網路,用台語來思考,白話字 來寫作, án-ne ē-tàng ho 咱對台文ê 認同閣卡深,閣卡閣,來達到台 灣文藝復興ê目的。(遺篇文章是採 用蘇芝萌先生êHòlo台文電腦軟体。)

[含文寫作會作品]

枫葉飘落我ê詩

歌胡吳圖補

由同中文歌: 容易受傷的女人

报業銀箔我ê豬 越额看见院仓遏去 bóng-bóng-tóng-tóngê 少年特 事中來相見

报禁弧法裁ĉ诗

拉拉勒對被條路 望伊相照顧 Giáh 類 春見 月娘陪伴天星 Ho阮想起心内彼佩伊 思金思念 思念規係海清 Sak伊來玩身達

問我将來beh對toeh去

接醒天星 學伊丽 ibbe 記 拜乾月娘替阮傅hō伊 我e情我e事我e請 极景飘落我e铸 飘荡我e于玄葛語 拉拉勒對彼條路 Bóng-tóng 少年特



Ontario 六七月

人講哈hia常在咧落雪 前台灣大漢®人 罕得看著雪 頭一擺來Canada 熱天®六七月 雪猶麽赴落ü Ontario®湖邊 而 koh,我看著 比雪koh卡白

ê 湖邊 ● 陳明仁

我會記得細漢ê時,生活雖然 困苦,iah不過環境眞清氣。Khah 早阮兜toā [歸]tī台南市青年路,彼 一陣無像今仔日人佮車攏chiah chē 。會記得阮兜出門腳口就有一箇 欖菝堤子,欖菝堤子ê南爿隔一條 青年路就是紅毛樓(今仔日講是台 灣民主聖地——台南長老教會)。 欖菝堤子上北koh過就是一箇蓮蓩

堤子, koh 過去就有一條細條溪份

一片溼地。Hia發體片ê草仔,有人

∮koân ∘

溪子水流過一箇小山崙,小山崙高高低低,高·高·所在土ta-ta無發啥物草子,岷岷[bin]仔低·所在就開始歸片攏是大權·蓬蓩,小山崙·北爿面就是一箇小斷崖,斷崖是無偌深啦!囝仔跳落去kan-na會腳手 láu-著耳耳。斷崖下腳有一箇牛棚棚子,内底飼兩隻赤牛子。彼是阿港伯仔飼·。溼地koh過

台灣人純情ê心肝

我知影楓葉是chiaê 認記 ti台灣大漢ê 人 罕得看著楓葉 頭一擺來Canada 熱天ê 六七月 楓葉猶bē赴紅 Ontario ê 湖邊

·我看著一陣台灣人 比楓葉koh卡紅 對故鄉熱情ê心肝

我會來Canada 落雪ê 國度 楓葉ê 故鄉 而是爲落雪 而是爲楓葉 kan-nā思念阮 飄浪ê鄉親 Canadian Geese 無behkoh飛轉北國ê時 阮用歌詩 唱出遠遠南國ê留戀 ti無落雪 楓葉繪bē赴紅 Ontario六七月ê湖邊

(07/02/94, Queens University)

我生活頂 上界向望ê代誌

● 陳金龍



東爿倫東雲紡織隔一箇牆子爲界 , 北爿就koh是一箇欖茲園, 歸 片都是種紅籽ê欖茲。欖茲園後 壁有一條小路倫南一中爲界。

想去彼一當時整個ê堤子內 有山崙、有溪水、有欖菝、有蓮 蓩,草子發kah鳳濫,溪水清瑩 瑩。飛蛾ü田子e身軀邊飛來飛去,曆角鳥仔 信青笛ü樹尾頂teh唱歌。大人ü樹子腳teh扑納涼,田仔ti土腳tehság。草仔內底bih誠優四腳仔,阮tiā"-tiā"[迭迭]用土螼來釣四跤,手若垃圾就去溪裡洗,hia 清彩都能當看魚子這水裡泅來泅去。過去ê環境是chiah-nih-ahsüi,今仔日汰會變kah按爾剛?

聽講彼一箇堤子beh做公園, 被一日我特別返去故鄉kā看māi咧 上一下看面烏一爿:啥物講講簡 小山崙hō人 lu kah平平平,溪溝仔 也去hō人填土起來。歸簡公園ê設 計合其他都市ê公園攏差不多,充 滿了現代人爲ê粗俗,一點仔都 本底人文恰自然ē環境。這就是這 箇au政府所做ē代誌。想到chia心 肝頭歸腹火,向望早一工能當消 滅這箇外來政權體制,恢復起造 台灣原本人文合自然生活環境。



粹载自1/25/95台灣公输报社输

台灣政治運動來到分餅ê階段 ,執政黨人人分餅,在野黨山頭 也人人搶餅層仔。獨立敢是完成 啦?是分餅ê時陣啦?免koh做苦 工嗎?

民族解放運動有伊· 階段性。 過去四十外年島內外流血流汗, 1979年 è 美麗島事件 è 民主對獨裁 è 大對決,帶來1987年 ê 解嚴,按 落去,萬年政治老賊 ê 退位,才有 1994年 ê 「省」市長 ê 民選。四十 外年轟轟烈烈 ē 抗爭,取得階頭 章 成就:「言論自由」及「街頭前 章 成就:「言論自由」及「穩頭前 是講欽偃[ián]倒國民黨政權?關民 黨猶未倒,大家就開始欲分餅, 可憐咧!人假國民黨是餅層仔hō 咱搶,hō咱家己相殺,咱煞食甜而 知死。

1964年彭明敏發表「台灣自 教宣言」,這是爭取「言論自由 」偉大而驚死。行動,彭先生1970 年逃脫台灣來到海外。伊信言論無 自由。七十年代講過一包話:「若 是伊一個月,全台自由演遵,宣 佈台灣獨立。理念,國民黨馬上就 會倒。」咱看咧,今仔日,言論 自由百分之百,台灣頭到台灣尾。 人人喝「台灣獨立」,1987 年喝到1995年,職有八年啦 ,國民黨獨原老神在在。

言論自由及民主政治是階段性。成就niā-niā。言論自由hō咱有公開宣揚思想及理論。地盤。但是

,理論思想是需要落手做,苦工 去實踐,然後才會產生力量。台 獨人人講,不過,人聽ê人間你 :甚麼是台獨?國民黨用「安定 牌」及「中國攻台」來消毒你「 台獨牌」,結局中產階級買「安 定牌」選宋楚瑜。所以,甚麼是 中產階級ê台獨。

咱離成功獪閣有一段遠遠。 路,咱絕對而是拾餅屑。小卒仔,咱是欲做主人,接收台灣人人 權,掌握經濟大餅分hō台灣人民 分享。而通做搶餅屑。無路用人,咱愛繼續做苦工,用咱過去四十外年,ti海外做苦工。爲著猶未完 成。民族獨立運動勞力拍拚,或 是留在海外,拍拚外交工作,推 動台灣文化獨立運動。

現階段6分餅是食毒,愈分愈死,甚麼是分餅?一心一意投入選舉,認爲軍軍靠選舉就有法度個國民黨,就有法度執政, 這款6想法及行動就是分餅。

咱是欲繼續做苦工ê人,咱 認識到選擧運動不過是台獨運動 過程中長長ê鐵鍊仔ê一環niā-niā , 咱當然愛投入,當然愛參與。 但是,踏入選舉運動,也愛知影 咱獨原有閣卡重要ê空課。但是 , 咱有甚麽苦工通做?首先, 咱 愛認識到一點,民族獨立運動固 然是以政治運動作領導中心,但 是,而是政治運動niā-niā,猶閣 包括文化運動及社會運動及經濟 運動。親像講,語言是構成民族 ê一大要素、母語無獨立、就是 黃酸ê民族,就是無靈魂ê民族, 遺款ê民族而是獨立ê民族。台灣 民族若是單單繼續用華語華文, 自我放殺民族母語,緊慢會ho中 國吞了了。

歐洲·

E 近代史,如十四世紀以來,就是一部濟濟·民族國家建國史,每個攜用母語建立伊·民族四語及書面語,慢到十九世紀·

E 據四語,慢到十九世紀·

E 據四語,慢到十九世紀·

E 據四語,使到十九世紀·

E 據四語·

E 據四語·

E 據四語·

E 於四語·

E 於四語

E

咱每一個人行落基層,落手 佸佸做。去做苦工,去kab省基層 套鄉親父老兄弟姐妹做伙,向個學 習,也教育個,ùi生活中互相來學 習:台灣民族獨立自教之路。若 是有法度做到這款地步,國民黨 閣祭出「甚麼牌」,攤會碰著「 台灣牌」意響光。見光死!

今仔日咱看會著ê 人物及組織 差不多攬倒在半路,搬在分餅層 仔,台灣民族生命眞朝,當然有 伊ê活路。問題是欲按怎卡緊完 成民族獨立,行咱ê活路,爲世 界做出貢獻。台灣民族獨立ê有 志者,緊踏入來,這是你施展才 華本事ê時代。你加入來做苦工 ,加速出頭天ê日子。

欲食白米,愛有人種稻仔 ,欲緊獨立做台灣國主人, 咱人人愛緊去做苦工。



●鄭良偉/譯

●李南衡/原作

美國有一位眞出名的報社 頭家鰈納bat講過:「狗咬人, 無算啥物新聞;人咬狗,才是 新聞。」掀開報紙看māi,有啥 物是「無算啥物新聞」?有啥 物是「才是新聞」?下面種種 是干單hō你做參考。

· 莒光號對台北到高雄,慢分 慢一點鐘, 這無算啥物新聞, 緊一點鐘, 才是新聞。

·車去hō人偷牽去,無算啥物新聞,警察車去hō人偷牽去,才 是新聞。

.一個電視台報告講,chit-má時刻二十點正,請你對時間,無算啥物新聞;你去放一下尿,倒轉來了後間換一台,這台也報講,chit-má時刻二十點正,請你對時,才是新聞。

·落雨,棒球比賽暫停,無算啥物新聞,落雨,以色列及黎巴 數的戰爭暫停,才是新聞。

·公賣局長講,半年内薫酒絕 對無起價,無算啥物新聞。話 猶未講了薫酒就起價,才是新 閒。

· 薫盒仔頂頭印「爲著你的健康,薫而通食傷chē。」無算啥物新聞,tī 錢頂頭印有「爲著你的將來,錢而通開傷chē」,才是新聞。

霸法kap

犯法

● 精力

台灣佛教高尼釋昭馨bat議過 伊有想beh自焚抗議惡法kap抗議媒 體歪斜事實ê念頭。「台北七號公 團觀音事件」,台灣媒體誤導民 衆,政府利用鴨霸ê公權力beh強 制拆除觀音像。伊講,伊想beh ti 觀音座前,lâm汽油tī家己ē身縣 ,若警察來拆觀音像,伊就 beh自 焚抗議。一位提倡「尊重生命」 、非暴力主義ê高尼,用家已ē性 命做最後ê抗爭、奮鬥, che 表示 伊對不義ê憤怒,已經超過人性所 會當忍受ê程度。自焚而是表示伊 ê軟chián、無奈,是突顯執政者「 主權在民」、「生命共同體」權 是空般 ê 口號, beh 騙選票 nā-tiān

台灣最近查封地下電台,閣一遍暴露執政者用鴨霸ê公權力來維護惡法kap家己利益ê心態。久長不義ê壓制kap欺騙,剝削百姓知ê權利,致到百姓採取強烈抗爭 è手段,che是突現執政者ê惡法,而是抗爭者無守法。親像原住民ê

「還我土地」ê 抗議,chhoā頭ê 勇者,竟然受起訴,che是執政者 利用惡法,施行傷天害理ê 暴政 。結果只會引起閣卡大、閣卡強 ê抗爭,繪當消除民怨。

耶穌職bat去大鬧耶路撒冷ê 聖殿。Che是類似暴力ê抗爭。按 伊ê行動,咱知伊心内大受氣。祭司及換錢銀ê生理人官商公 結,來剝削敬拜上帶ê百姓。斯 穌ê抗爭引起當局ê驚惶kap抗告,最後受釘tī十字架。耶穌對當 時ê統治階層一祭司kap文士ê批 判,非常嚴厲。伊罵個是粉白管 墓一外面好看,内面是 au[煥]骨頭。伊本身爲著百姓ê 權益抗爭,對抗當時ê惡法kap鴨霸ê執法者。

今仔日台灣ê法爲著司法ê獨立,集衆請願,也贈當得著公正 ê對待。統治者爲著政黨ê利益, 連所有法官ê半數人員連署攏無 看证眼內,台灣遮ê排隊納稅金ê 小百姓ē抗爭,統治者哪會聽呢 ?台灣ê惡法已經是完全成做統 治者制裁反對者ê工具。

若而是有一部保障台灣人民 ê憲法,體制內ê改革是死路一條 學生团仔時代見若轉去草地 chhit-thô,第一就是去chhoē牛。 Hit時阮二人親像我ê阿嬸講ê:「 做伙就bē翰索a拍結分繪開」。我 ê阿嬸對我kap牛做伙自起頭就無 啥熱心ê反應,時常當我ê面念: 「牛而愛讀册」,驚我hō伊影響 thoā pháiⁿ去。但是我hit時一直感 覺著,這是個大人無公平ê偏見, 對牛無瞭解ê關係。

這牛前是伊ê正名,因爲伊ê 体格kap我ê二姑上界相像,粗閣 大叢,行路土腳會振動,kap伊 khiā 做伙,自然會感覺ti牛身驅邊 ê 滋味。自細漢嬰ê時人就叫伊牛 ,單單我ê 阿媽真疼伊,叫伊ê正, 名阿雄-a。

凡是chhit-thổ ê代誌牛上認真 · 這就是我kap 牛索-a拍結分be 開ê 原因。我hit時ê看法,牛è智識無 輸英文老師kap地理、歷史ê老師 加加起來。親像咬蟋蟀-a,牛講會 相拍bé相拍聽聲就知。我以前一 直掠準蟋蟀a是叫si-suhsi-suhê 聲音 ,伊講是叫khi-li-khuhkhi-li-khuh。 伊有做實驗hō我看,用一枝草-a ngiau 睽蟀-akha-chhng, he 蟋蟀-a就 一直叫,我認真kā聽,起先聽bē 出來,尾a才聽出來,真實是khi-likhuh khi-li-khuhê 聲調, 而是si-suh si -suh。伊関進一步證明,講蟋蟀-a 英文叫做Cricket,就是這個原因, 道點市内囝仔蟋蟀-achhit-thô 填久 mā是循而知影。Hit時我才深深感 覺著, 牛是活頭腦ê人, 伊ê英文 mā是程度填koân無簡單,是而愛

牛ti地理方面è智識mā是無簡單,灌肚白-aè時陣看會出來。定定我chhoē無肚白a空,伊chhin-

讀死册niā-niā。



● 陳雪-

chhái用樹oe土腳tuh落去就是一空。「我按chia這空灌,你去hiahit空等,頭thóng出來就kā掠起來,而通hōkiu去。」而知按怎,眞實he麻豆ê肚白-a攏會曉聽牛ê話,水lim飽就gōng-gōng按hit空行出來hō人掠。可惜這個智識牛準做是戰略性ê秘密保守起來,無講hō我知,所以灌肚白-aê優勢牛一直佔眞久,到阮考高中ê時才祕密漏洩出來。

掠大kòng田嬰我就無輸牛,因爲hit陣店裡拍金a師父昌伯·a有教我一步。阮以前是先捻[liam]細隻田嬰,用一枝長草·a縛[pák]咧,ná旋[séh] ná hàiⁿ,siāⁿ大kòng田嬰來咬,就kā掠起來。昌伯a個兜堤a內有種眞chē文旦柚,掠田嬰mā眞有經驗,伊教我細隻田嬰ai掠活ê,用草-a kā伊ê 尾溜縛咧,牽咧而免hàiⁿ 就飛續停。大kòng田嬰看伊飛續去,腹肚iau擋繪tiàu就來食,咬咧而放。

這步就加眞好勢,爲著這個新「發明」,牛眞數喜,送我「大嘴-e」,就是伊hit隻統第二勇 ē 蟋蟀。但是我知影,咬蟋蟀-a 我是永遠bē 贏牛ê 啦!雖然牛有教我聽khi-li-khuh ē 聲,但是我繪曉像伊按呢分有勇ê kap無勇ê,又闡我mā繪曉kā 個飼kap訓練。

牛定定送我有勇能蟋蟀a,khìng ti 蕃-a-火-khe-a内面,頂面鑿[chhàk] 空,内底舖草,hō我掠轉去厝裡 飼,但是無幾日,he勇勇ê蟋蟀a 就而叫也而lián嘴鬚,無兩禮拜就 而知按怎死翹翹去,hit時我就會 想beh閣轉去草地chhoē牛。

牛「而愛讀册」,高中畢業 無閣考大學。我去台北讀册了, 阮就卡少做伙,後來我出國,到 這櫻轉來去chhoē牛, 算起來mā有 beh三十年無見面啊。牛已經chhoā 某生kiá",二姑kap二丈攤已經過 身去,金-a店換牛teh hoān,店面 暗sàm暗sàm,無拍金-aê 師父,也 罕得有人客來坐,大概生理是無 外好。牛ê某杏-a有kā我講起, chit -má金-a店生理歹做,人會來搶, 稅務局ê人常常愛來囉唆,所以金 -a 店 ê khang-páng 因無吊,卡繪顯 [hián]目。伊比店面ê鐵門kap khng ti架-a頂hit頂警察型ê圓帽-a,講: 「就是按呢牛才會去參加民防ê。 」我問伊參加民防ê敢有效,伊講 :「加減有差啦,這頂帽-akā排 chia, he pháin空ê 就卡而敢來。」 聽起來概成是廟裡請來ê 神符-a, tahti門口保平安hit款ê作用。杏a 本來是官田hia足草地ê人,而kú聽 伊ê口氣,伊是無啥teh驚稅務局ê 人,續落去伊講:「咱猶有一個 查甫ê tehbeh做兵,卡mài插事卡好 。」我問伊:「是按怎講?」伊 講:「像民進黨teh選ê時,阮mā 擔而 愛放炮。個講若hō人點油做 記號,用仔去做兵ê時,ti軍隊會 hō人糟踏chhoē麻煩。」到底這是 有影到啥物程度,我就面知啊, 但是杏-a是咱chia在地人, 伊是真

有信ê, 而是teh讚kún笑ê 啦。

Hit暗食暗飽,牛招我泡茶, 阮坐ti事-a-腳,牛泡一泡南投水里 冬季ê鳥龍茶譜我。He厚厚ê茶, 倒 tī au-á 内 芳-chhèng-chhèng, 色 緻像火鎔去ê金-a, lim落去嘴内, 甘kah會一直流嘴noā,吞落曬喉, 規身驅像浸著溫泉,逐個毛kng孔 攤開開去。牛咬一枝短短ê象牙蓋 吹,比店面ê khang-páng講:「我 遺味治高血壓、糖尿病上有效。 恁二姑chin若猶有ti 咧,食這味 就繪 hiah 早去啦。」我ê 二姑獨少 年就糖尿病斷腦筋過身去。我看 khang-páng 頂面ê字:「森源靈芝 製藥,麻豆總經銷」,才知影牛 也有teh賣靈芝ê藥品。靈芝這項物 我細漢è時bat聽人講過,印象若像 是一種仙藥、伊講:「痔瘡眞有 效。阮老êhit陣若有遺味通用,就 m 免去手術啊。」牛ê 老父人細細 漢像一粒poat-á,八十歲ê 時手術痔 瘡過身去。我因爲m bat 關芝ê 醫藥 内容,所以無應伊, kan-na tàm頭 表示對二丈八十歲去手術痔瘡e同 情心。牛tu一張鍍金ê 名片hô我看 : 「我遺味就是台南這個留日ê博 士發明ê,美國mā有申請專利啊, teh beh 拍外銷。...... J 我閱tām — 個 頭,對伊牛理方面ê眼光表示贊成 。牛講:「若是肝硬[ngē]化,單 單這味就會好。照起工逐日kā食 , 免幾個月就看會出來。Che我 chiachit-ma逐個月銷偌chē咧。」我 無關tàm頭,最後伊蓋:「好好人 食上界好,通血路養筋骨,你看 我才食無幾個月,氣色chiah好, 頭毛無幾枝白ê。咱兩個坐做伙, 敢有人看會出咱是平chē 歲?」 ná講用拳頭母出力cheng伊家己ê手 骨,表示真勇攏chengbē痛。

伊按呢說明,ho我對靈芝漸 漸失去信心。而日阮二人chiah ché 年m bat 見面啊, 這擺轉來本來有 真chē 數喜回想ê 話kap 出國以後ê 代誌想behkap 牛講,而過牛親像 無感覺著,繪記了了,規模kanna一直teh推銷伊 ê 蒙芝,有嘴讚 kah無noā。有幾回我問起二姑kap 昌伯-a過身前ê代誌,伊話頭隨就 閣翻倒轉來,.....我事實想be理解 啦。前日杏-a kha-chhiah後有kā我 講, hit chām 牛 poah 大家樂輸幾倍 十萬,是而是經濟質ânê關係?牛 活ê負擔kap壓力hő伊全部ê心神觀 teh想趁錢做牛理, soah 無看見阮 古早真久ê舊朋友情?或者是,敢 會這個經濟推步ê計會,已經現 代化去, chit-má-般大家就 糖是 按呢啦,是我家己離開chia了已經 置久,發生ê變化無瞭解niā-niā?

我tiām-tiām按呢teh想,心内 漸漸鳥暗起來,感覺有一ian茫霧 無形ê鳥影一直展開擴大,遊 [chah] ti牛kap我ê中間,將古早 kap chit-má è 時間分開切斷去。這 時已經翻點,事-a-腳剩阮二個人 , 牛泡ê 厚茶 , 一au 一au 芳味 chhèng-chhèng,烏龍甘美,hữ我 精神眞好猶未愛賦。He享a關ē婚 火koan-koan暗暗照著牛kap我,我 看伊坐ti椅頭-a頂,肩胛頭kuku專 心teh泡茶,身驅ê影mā是循hiah 粗大,ni過牛事實氣色無好,面 色有帶[tai]黃酸,頭毛花花白一半 去。伊有ka一個短短ê平頭,順合 [há]民防人員ê型式。....以前牛愛 chhit-thô, chit má相像愛i大家樂 除了這以外,我想牛已經是完 全改變ah啦!

隔轉日下晡牛送我去坐ba-

suh,伊koān一個紙袋-aho我,讚 : 「Chiae 靈芝你帶轉去加拿大hô 阿舅食,若是肺癌,我漬味是食 會好ê啦。」閱講:「Mài煩惱,食了若有卡好,拍電話來,我 才閣寄去。」我爬上車,tú才坐落 去,雄雄聽著一陣khi-li-khuhkhi-likhuhê聲,紙袋-a拍開看,眞實頂 面有一個細細個-á有緊空ê 紙khe-á ,内面一隻蟋蟀-a。我趕緊誠[oat] 頭看,牛獪khiā tī hia,我thèhhit個 紙khe-á, iàt手ho伊看,伊toè我iat 手,愈[lú] iàt愈大力,牛ê大面頂 koân出現了一個囝仔形開放ê笑容 ,大嘴笑kah開hānhān,伊比一 枝大頭拇ho我看, m 知講一句啥 物話,我無聽見, ba-suh 就開始行 啊。一陣一陣土腳ê eng-ia toèleh飛 起來,遮著阮ê視線。Hit時我有看 見,車後面hit塊大塊e玻璃窗,規 片充滿了光明彩色ê光線,就是遺 個草地beh沉落去ê西照日,透過 遠遠天頂一大堆紅hoán染金ê 零電 照入來啊!我歡喜kah心肝頭換換 siak,親像hit時,ti beh離開虞熟似 [sāi]ê 麻豆鐵以前, 古早ê hit個牛 toè 著khi-li-khuhkhi-li-khuh ê蟋蟀a聲,又閣按吊遼

[oán]ê 日子繼總倒轉來啦。 Basu到海寮ê 時我先落車,hit 個紙khe- á kā 伊拍開,内面有一隻 島金色ē 蟋蟀-a目騆微微[bui-bui] kā 我看,老神在在teh lián嘴鬚。我kā 伊放出來土腳頂,停一下-a,伊是 緊按路邊hit大片[phiān]ê 草埔一直 走去,一直走去,我tī hia khiā一時 -a久,爬上車,司機kā門關起來, 就無閣聽著叫khi-li-khuh khi-li-khuh ê聲。